

Kalaallit Nunaanni atuagaateqarfiit 2017-imi ukiumoortumik nalunaarutaat



Nunatta Atuagaateqarfia

Imai

Nunatta Atuagaateqarfia

Siulequt	3
Illup ingerlanneqarnera	4
Aningaasaliissutit aningaasaqarnerlu	5
Suliat kisitsisaat	6
Sulisut.....	6
Aaqqissuussaannermik ineriartortitsineq.....	7
Sammisaqartitsinerit	8
Team Service	11
Team Nunarput	12
PR aamma qaammarsaaneq	13

Groenlandica

Siulequt	15
Ammasarfiit.....	16
Illup ingerlanneqarnera	16
Aningaasaliissutit, atukkiussat katersugaatillu	16
Sammisimasat.....	19
Nutaanik pissusilersornerit aamma suliniutit	22
PR	23
Allat.....	23

Sinerissami atuakkanik atorniartarfiit

Qasigianguit.....	25
Sisimiut.....	26
Qaqortoq	27

Aaqqissuisoq: Nunatta Atuagaateqarfiani pisortaq Elisa Petersen
© Nunatta Atuagaateqarfia : Grønlands Landsbibliotek, 2018



Siulequt

Nunatsinni atuakkanik atorniartarfiit amerlanerit atuarfiit iluaniipput. Qaqortoq, Sisimiut, Nuuk Aasiaallu immikkut illutaqarput.

Maluginiagassanut ilaavoq atuakkanik assigisaannillu atorniartarnerup annikilliarorsimanera, tamanna nunani allani atuagaateqarfinni aamma maluginiarneqarsimavoq. Atuakkanik atorniartarnerup appariartornera qarasaasianik allatullu aqqissuussaqluni paasissutissanik ingerlatitseqqiisarnerup annertusiar-tuinnarneranik aallaaveqarpoq. Nunatta Atuagaateqarfia qarasaasianik atuisunit, wifimillu pisariaqartit-sisunik, aviisinik atuagassianillu atuariartortunik allanillu sammisaqariartortunik sulii ornigarneqarta-qaaq aammami naapiffittut atorineqartarami.



Illup ingerlanneqarnera

Nunatta Atuagaateqarfia ataasinngornermiit tallimangornermut nal. 12-18 ammasarpoq. Pingasunngornermi nal. 10-18 ammasarpoq. Arfiningornermi nal. 11-14 ammasarpoq. Oktobarimiit marsimut, decembari minillugu, sapaammi nal. 12-15 ammasarpoq.

Unnuk Kulturisiorfimmumut piareersarnermut atillugu tallimangornermi nal. 15 matusarpoq, arfiningornerq sapaallu atorniartsinerumut matoqqasarluni.

Marloriarluni imermik ajutoorneq.



Suliniutit nutaat

- Septembarimiit ammanerup nalaani tamaat Securitasimiit vagteqartoqartalerpoq.
- Avatangiisinut mianerinnittunik atortussanik pi-siortorneq aammalu kallerup inneranik kiassarnermullu misissuisoqarpoq
- Isaarissami oqaatsit assigiinngitsut arlallit atorlugit tikilluaqqusisumik tapetiliisoqarpoq.

Allat

- Juullimut pilluaqqussummi isaarissami tikilluaqqusutip allannera atorneqarpoq.
- Atuagaateqarfimmi init allagartalersorneri kalaallisut qallunaatullu nivingarsorneqarput



Aningaasaliissutit aningaasaqarnerlu

Nunatta Atuagaateqarfianut aningaasaliissutit mio. kr. 15.605-iupput. Taakkunannga Groenlandicamut mio. kr. 2.487.


	2015	2016	2017
Aningaasaliissutit	15.563 (taakkunannga 2.487 Groenlandicamut)	15.517 (taakkunannga 2.487 Groenlandicamut)	15.605 (taakkunannga 2.487 Groenlandicamut)
Atuineq	15.698	15.458	16.330

Nunatta Atuagaateqarfiata ukiumut atorsimasai taakkunannga Groenlandicap 2017-imi atorsimasai 2.487 aningaasaliissutinut (kr. 1000-inngorlugu) sanilliullugit. Ukiumut atuinnermut sunniuteqartut ilagaat aningaasartuutaasimasut qanganisat matuneqarsimaneri. 2017-imi atuagaateqarfimmi imermik ajutoortoqarnikuuvoq, taakku aamma 2017-imi atuinnermi sunniuteqaqataapput.

Atuivallaarneq 725 procentinngorlugu 5%.

2017-imi aningaasartuutit isertitallu ima isikkoqarput:

Aningaasartuutit agguarneri (Atuineq kr. 1000-nngorlugu)



Suliat kisitsisaat

Atuakkat atukkat : 38.230. Atugassatut pigisat: 58.272, taakkunannga 1.684 atortut elektroniskiusut.

	2015	2016	2017
Atukkiussat	52.803	33.482	38.230
Atukkiussassaait	57.428	56.707	58.272
Atugassat elektronisket	3.006	2.479	1.684

Imermik ajutoortoqaraluartoq, atuagaateqarfeqarnermi inatsit naapertorlugu, atortussanik toqqaaniar-tarneq pingaartillugu pitsaasumik siammasissumillu ingerlanneqarpoq.

Sulisut

Nunatta Atuagaateqarfiata sulisui Groenlandica ilanngullugu assigiinngitsunik suliaqarlutillu suliaminni pisassaqtuupput, tamakkerlutik Nunatta Atuagaateqarfiata ilisimasatigut kulturikkullu ulluinnarni qaammarsaaneramik suliaqarlutillu ikorfartuisut. Nunatta Atuagaateqarfiani sulisut 16-it qaammammusiaqarlutik sulipput pingasullu nal. akunnermusiaqarlutik, katillutik inuup ataatsip ukiumut suliarisinnaasaanik (årsværk) 19-inik nalillit.



Matuma ataaniipput Nunatta Atuagaateqarfiani suliani assigiinngitsunik pisassaqarfinnut assersuutit assigiinngitsut:

- Pisortaq
- Atuagaateqarfimmi siunnersorti
- Teamlederi
- Atuagaatilerisoq
- Paasissutissiineri immikkut ilisimasalik
- Atuagaateqarfimmi ikiorti
- Misigisassanik pilersitsisartaq
- Attaveqatigiinnermik sulialik
- Administrationslederi
- Kontorfuldmægtigi
- Overassistenti



Aaqqissuussaannermik ineriartortitsineq

- Piginnaanngorsaaneq atuisunik suleqatigisanilu qaffasissumik kiffartuussinissamut, aammalu sulisut tigummiinnarnissaannut ineriartortinnissaannullu pisariaqarluinnartooq. 2017-imi Nunatta Atuagaateqarfiata sulisut arlalissuit pikkorissariartillugillu ataatsimeersuarnerni peqataajartortippai. Pikkorissarnerit ilinniartaanerillu makku sulisut 2017-imi peqataaffigaat:
 - o Elisa Atuagaateqarfinni pisortat peqatigiifianni ukiumoortumik ataatsimiinnermut ataatsimeersuarnermullu peqataavoq
 - o Søren aamma Elisa BiblioteksMedier pulaarpaat
 - o Søren 'Netværk for lånersamarbejde'-mut peqataavoq
 - o Sulisut ikiueqqaarnermut pikkorissartineqarput
 - o Sulisut ulluanni 'Assertiv kursus' ingerlanneqarpoq
 - o Sinerissami atuagaateqarfiit pikkorissartineqarput aamma. Aamma Danmarkimiit Trine Toft atuagaatilerisunut tamanut pikkorissaassutigaa "Bibliotekarens rolle i informationssøgning for elever og studerende".
 - o Sulisut kalaallisut oqaatsinik pikkorissartineqarput

Pikkorissartitsinerit saniatigut Nunatta Atuagaateqarfia Groenlandica ilanngullugu sulisunut ulloqartitsivoq, tassani sulisut tamarmik peqataaffigisaannik AROS pikkorissartitsivoq 'Assertiv kommunikation'-imik taallugu, siunertaralugu aammalu sullivimmi tarnikkullu atugassarititani ineriartoqqinnissaq.

Sullivimmi naleqartitat

Nunatta Atuagaateqarfiata iluani Groenlandica ilanngullugu paaseqatigiinnissaq anguniarlugu sulinermi naleqartitat pillugit sulisut ataatsimeeqatigineqarput, soorlu ataatsimoornerup, attaveqatigiinneq atugarissaarnerlu pillugit taamaalilluni ulluinnarni sulinermi atorreqalersinnaallutik aammalu teamsit akunnerminni suleqatigiinnermi atuuffiillu akimorlugit atorreqarsinnaasunngorlugit.

Teambuilding

Taakku saniatigut sulisut ulloqarpugut immikkut sammillugit teambuilding aamma ikiueqqaarnermi pikkorissarneq.

- Marsip 31-anni - Assertiv Kommunikation
- Aggustip 26-anni - Qooqquni nuniagiarneq
- Oktobarip 27-anni - Ikiueqqaarnermi pikkorissarneq



Sammasaqartitsinerit

Team Oplevelser 2017-imi ukioq kaajallallugu qaammatikkaartumik sammineqarsinnaasunik pilersaarusiortalerpoq, taamaammat 2016-imi qaammatit Kingulliit atorlugit qaammatikkaartumik sammisassanik pilersaarusiorput siunissamilu suleriesissiorlutik.

Teamimi ilaasortat tamarmik malinnaasinnaaq-qullugit team Oplevelser Outlookimi ullorsiusiorpoq misigisassat, pilersaarutit ataatsimiinnerit il. il. allattorneqarfigisartagaannik, taamaallunni teamimi susoqassamaarnersoq kinalu akissuusaunersoq paatsuungananginnerussamat.

Silarsuaq misigisaqarfigiuk

Marsip 24-anni kommune peqatigalugu 'Silarsuaq misigisaqarfiusoq' suliaraarput. Inersimasut atuagaateqarfianni nerrivinni assigiinngitsuni inuiaasutsit assigiinngitsut nunartik pillugu assigiinngitsunik atortulersorlutik ilisaritippaat. Soorunami atuagaateqarfimmi atuakkat nunanut taakkununga tunngasut saqqummersinneqarput. Atuagaateqarfiup ammasarfiini nalinginnaasuni ingerlanerqarpoq, nerriviillu atuisunit orninneqartarput eqqartueqatigiittoqarlunilu.



Peqataasitsilluni atuffassineq

Januaarimi misigisassarsiorfitsartumik isiginnaartitsinermik tunuliaqutalimmik atorfinitsitsivugut. Tamatuma inerneraa atuffaseriaatsimik allaanerusumik pilersitsinerput taallugu peqataasitsilluni atuffassineq. Tamanna isumaqarpoq atuffassinerup nalaani isiginnaartitsiveerannugamik pilersitsisarneq meeqqallu peqataasittarneeri, taamaallutik isiginnaartitsinermut peqataasinnaasarlutik. Atuffanneqartarput, peqataallutik timertillu atorsinnaasarlugu. 2017-imi juunimi meeqqat *Frederik med bilen* ullut tamaasa ulluni qulini meeqerivinniittut meeqqat atuffanneqartarput, aggustimi *Den lille prins* (Ataqinartuaq) kalaallisut atuffassissutigineqarpoq atuareernerup kingorna ornittakkaneersut meeqqat 80-it missaat atuffanneqarput, *Skatteøen* novembarimi ullut sisamat ingerlaneranni meeqqat 20-t missaat, ullormut meeqqat arfinillit missaat meeqqanik atuartunik ilalerlugit ullormut 20-t missaaniiittunik.





Nuuk Nordisk Kulturfestival

Aappasaanik 2017-imi peqataavugut. Avannaani suliaq Nordisk Nøj' det er for børn maani aqqis-suupparput. Illoqarfimmi atuarfinni svenskeq Leo Leonhardsen aamma qallunaaq Lone Wernblad Nick Ørbæk suleqatigalugu kalaallisut workshopertitsipput tusarnaartitsillutillu. Tusarnaartitse-qattaarnertik naggaserlugu Nuuk Centerimi meeqqat peqatigalugit workshopertitsinerminnilu meeqqat taallioqataaffigisaat erinarsusuaq tusarnaartitsissutigalu. Tamakku saniatigut titartak-

kanik filmertarfeeraliorpugut sapaatip-akunne-
ra tamaat isiginnaarfiusinnaasumik. Pilersaaru-
taanngitsumik taallanik atuffassisunut Nunatta
Atuagaateqarfianiititsivugut sapaatillu-akunnera
tamaat atuisut atuakkamik inunnit alanngaarlugu
atuarneqartumik atorsinnaatillugit.

Arctic Imagination

2017-imi sammisassaritinneqartoq nutaaq tas-
saavoq Arctic Imagination, taanna Groenlandica
suleqatigillunnarlugu peqataaffigineqarpoq.





Sammineqarsimasut allat

- Unnuk Kultursiorfik
- Ilitsoqqussaralugu Oqaatsit Ulluat
- Meeraaqat aalaasaat
- Ullut immikkut sammisaqarfiit, soorlu aliortukanut ilisimasassarsiorluni angalanernut tungasut
- Maaji Nuan
- Aasami atuagaateqarfiup silataani pilersaartaanngitsunik saammisassaqaartitsinerit
- Nunat Avannarliit atuagaateqarfiisa sapaatipakunnerat
- Juullimut qiortaasitsineq
- Qulleerarpassuit

Unnuk Kultursiorfik

Unnuk Kultursiorfik 2017 arfininngornermi januaarip 21-anni 2017 ingerlanneqarpoq. Nal. 15.00 inersimasunut atuagaateqarfik imaarniarlugu matuvugut. Arfininngornermi nal. 19.00-23.00 Unnuk Kultursiorfifittoqarmat atornianut arfininngorneq sapaallu matoqqavugut. Arfininngornermi nal. 14.00 – 15.00 Motor Mille meeqqanut aliikkuser-suivoq.

Unnuk Kultursiorfimmik ataqatigiissaarisutut Nuummi peqataasut nalunaarsorpavut. Suliffeqarfinniit/suliaqarfinniit peqatigiiffinniillu assigiinngitsuniit 40-t missaat peqataapput. Tips- og lotto-midlerne C-miit Unnuk Kultursiorfik 2017 kr. 102.618,75-inik tapiiffiqeqarpoq.

Kalaallit Nunaanni kommunet tamarmik peqataapput. Sinerissamit peqataasut nalunaarsukkat: Iginniarfik, Ilulissat, Kangaatsiaq, Maniitsoq, Niaqornaarsuk, Qaqortoq, Qasigiannugit, Qeqertarsuaq, Qaanaaq, Sisimiut, Upernavik, Uummannaq, Aappilattoq aamma Asiaaat.

Saqqummersitsinerit

Atuakkat amerlasuut atornerqarput, paasivarpullu (inersimasut atuagaateqarfiannut majuartarfiit eqqaat) saqqummersitsivissaqqissuusoq, inuit unillutik saqqummersitagut isiginnaartarpaat. Kingusinnerusukkut allanik arlalinnik saqqummersitseqqittarpugut iluatsilluartunik.

Taakku saniatigut assigiinngitsunik qulequttanik-atuakkiortunik qulequtaqarluta saqqummersitsisarpugut.

Assiliisoq nersornaatisinikoq Christian Sølbeck Kalaaliaqqami piniartut aalisartullu assilisarsimaisai saqqummersinneqarput.



Team Service

2016-imi Team Servicep allanngortitereernerup kingorna atuagaateqarfimmi inimit ukkatarinnin-nera 2017-imi annerusumik avammut sammineru-lerpoq. Teamip suliassaa pingaarneq tassaavoq *atuisunut saaffigisanut soqutiginnittuuneq nakku-tiginnittuunerlu.*

Ukiup ingerlanerani atuisorpassuit attaveqatigi-sarsimavagut – atuagaateqarfimmi inimi, inuit naapittarfiini allatigullu attaveqatigiittarfitsigut. Teamip atuisut piumasaat tusarnaartarsimavai ineriartuutissatullu aalajangiiffigisarlugit. Soorlu assersuutigalugu atuisut arlallit saaffiginnin-nerisigut qarasaasiarsortarfiup tungaani privateqa-rusunnermut eqqissillunilu sulisinnaanermut tun-gasut eqqarsaatigeqqissimavagut. Aamma taa-maappoq atuisut namminneq qarasaasiatik nas-sarlugit attaviginnerusumik DMZ-nertværkimut attaveqarluarnerusinnaasumik atulersitsinitsigut. Tamakku saniatigut atuarfinnik ilinniartoqarfinnil-lu pulaartitsisarnerit taakku pisariaqartitaannut naleqqussarlugit inissiternikuuagut. Statsbiblio-tekip suleqatigilerneratigut atuisut atugassanik Danmarkip avataaneersunik atorniarsinnaalersis-simavagut.

2017 Team Servicemut inuit tungaannut imaqa-ngaatsiarsimavoq. Soorlu Team Nunarput sule-qatigalugu kalaallisut qallunaatullu oqaasilinnut atuartartoqatigiinnik pilersitsisimavugut, taakku-lu pitsaasunik atuagassaqartinniarlugit atuakkanik pissarsilluarsimalluta. Ineriartortitsinermi sulif-feqarfik tamaat peqataatipparput, tassani ilaquta-riit sumiginnaanerlu meeqqanut atuagaateqarfim-mi sammisimallutigu, meeqqanut atuagaateqar-fimmi pilersipparput assersorneqanngitsumik kil-liliineq kiisalu vagteqarnermi malittarisassanik nutarsaalluta vagteqartut tamarmik assigiimmik malitassaannik.

2017-imi Team Service suliamik annertuumik su-liaqarpoq, tassani ukkatarineqarluni inuusuttut atoqatigiinnikkut pisinnaatittaaffii. Dukkeprojektet Seksualeteti aamma Sanami sulisut allat suleqa-tigiissitalioqatigaagut, ilaatigut atuagaateqarfim-mi sapaatip-akunnera 6 2018-imi temadageqartit-sitilluta, tassani illoqarfimmi atuarfinni 9. klasseset pulaartoralugit saqqummersitaliorluta allanillu sammisassaqartitsilluta. Avataaniit suleqatigiin-neq inerneqarluarpoq, aammalu peqataasut, aam-ma atuarfiit suleqatigiinnerup ilusaa inerneralu nuannaarutigisorujussuuat. Suleqatigeqqinnis-samullu iliunniutigaarput.

Team Servicep ineriartorteqqitassatut pissanga-nartutut isigaa illup iluata ilusissaata ineriartor-teqqinnissaa atuisunullu neqeroorutitta atorluar-neqarnerat, taakkualu uppersarnarissaat. Nunat-ta Atuagaateqarfia uummaaritorujussuuvoq ul-lut tamaasa atuisunit assigiinngitsorujussuarmik atorneqartartoq. 2018-imi Team Servicep takor-luugaraa atuagaateqarfiup atuisunit qanorpiaq atorneqarnerata misissornissaa tamassumalu up-persarnarissaa, taamaalilluta atuisutta piuma-saat tusaaniarsinnaanerullugillu naaperiarsin-naanerat sulissutigiumallugu.



Team Nunarput

2017-imi Mâliaaraq Vebækip 100-liinissaralua nalliussineqarpoq atuakkiai takisuuliai pillugit kalaallillu arnartaasa oqaluttuarisaaneri pillugit katersat kalaallisut oqalugiartitsilluta. Qallunaatut niperujoorutini katersinera ernutaatalu eqqaamasalersaarnera oqalugiartitsilluta.

Ukiup ingerlanerani sukumiisumik oqaatsit ujarliutit amerlisarpagut. Oqaatsit ujarliutitut atornerqartussat oqaasiliortunit akuerineqareersimasiariarput, taamaangikkaangatalu Oqaasileriffik aqputigalugu oqaasiliortunut suliaasiissutigineqartarpoq.

Atuakkat nutaannginnerit imaasa imaqarniliortarnerat ingerlappagut. Atuakkat imaqarniliornerisigut atuisunit ilisimaneqarnerulernissaat atuaramaneqarnerulernissaallu aqputissiuuppagut.

Atuakkat imaanni taaguutit (genrebetegnelse) nutserpagut.

Nunatsinnut tunngasunik ileqqunik pingaartitatsinnillu assersuutigalugu oqaluttuaqattaatitsinerit qangaaniillu ileqqut aallaavigalugit aqqissuusisarluta.

Kalaallisut atuakkat saqqummersimasut tamaasa pisiariniartarpagut sinerissamilu innuttaasunut atuakkanik atorniartarfinnut agguaattarlugit. Agguaassinermi suleriutsit eqaallisarneqarput tamatumunngalu ilagivaa atuakkat qalilersuisartuniit sinerissamut agguaanneqartarnerannut suleriuseq nutaaq.

Usisaat suleqatigalugu atuakkat kalaallisut agguaattakkagut Odense Biblioteks Leveringimiit aaneqarlutillu agguaanneqartalerput, taamaalliluni Nunatta Atuaateqarfiata atuagaatissai kisimik maanga apuuttalerlutik.

Ukiup ingerlanerani atuisunit apeqputit immikkuullarissut kalaallisut sammisarpagut akissutisaniillu ujarlertarluta. Apeqputigineqakkajuttut ujaruminarsarlugit postiliunneqarput taamaalliluni qarasaasiaq ujarliuterput aqputigalugu toqqaannartumik paasineqarsinnaalerluni apeqputigineqakkajuttut atuakkatut saqqummersimanngitsut.

Kalaallisut meeqqanut aalajangersimasunik sammisallit immikkoortiterneri naammassipput. Meeqqat ukiunut naleqqussarlugit immikkortiterneqarlutik.



PR aamma qaammarsaaneq

Tusagassiuit

- Arctic Imaginationimut atatillugu aqqissuussamut piniartoq tusagassiortunngorniat marluk immiuppaat.
- KNR-radiokkut atugaateqarfimmiittuutisiaqarneq pillugu
- Arctic Imaginationimut atatillugu aqqissuussanut piniartoq Lars Jeremiassen KNR-radiokkut apersorneqarpoq aamma Qaqortumi. Suli aqqissuussaq pinngitsoq Elisa Petersen KNR-radiokkut Arctic Imaginationip suliarinera pillugu apersorneqarpoq.
- KNR-radiokkut ALMA-mut akissarsisitsinissaq pillugu
- Mâliâraq Vebækkip 100-liinissaraluanut atatilugu Pauline L. Abelsen KNR-radiokkut toqqaannaq apersorneqarpoq.



Inuit naapittarfii

Nunatta Atuagaateqarfiata Facebookimi quppernerani malinnaasut 2017-ip naanerani amerleriarsimapput 933-niit 1326-nut, procentinngorlugu 30%.

Aviisit

2017-ip ingerlanerani Nunatta Atuagaateqarfiata katillugit 55-eriarluni Sermitsiaq, AG, Nuuk Ugeavis aamma Suluk ussassaaruteqarfigisimavai. Ima agguataarneqarsimapput:

Annonceliinerit



Groenlandicap 2017-imi ukiumoortumik nalunaaruta



Groenlandicap 2017-imi ukiumoortumik nalunaarutaa

Allattoq/Forfatter: Charlotte Andersen

Nutserisoq/Oversætter: Laannguaq Lyngé

Saqaani asseq: Arctic Imagination,
Det Kongelige Bibliotek, København

© Nunatta Atuagaateqarfia, Groenlandica, 2018

Siulequt

Groenlandicap katersugaatai pingaernerit, nuna inuilu pillugit katersugaatit, annerusumik tunniusssisusaatitaanermik pisussaaffeqarnek aqqutigalugu ineriartortinneqarput. Ukiut tamaasa atortussat qarasaasiakkut assigiinngitsutigut saqqummiunneqartartut amerlialuttuinnartut nassuerutigisariaqalerparput. Ukiut tamaasa oqallisigisariaqartarparput qanoq ililluta kulturikkut kingornussassat taamaattut isumannaatsumik suliarissanerlugit aammalu sumut killeqartissanerlugit, inatsisit atuuttut, sulisoqarniarnek akissaqartitsiniarnerlu eqqarsaatigalugit.

2017 Groenlandicamut suliassanik nutaanik suleriaatsinillu assigiinngitsunik ingerlatsiviusimavoq. Groenlandicamut 2017-mi annertunerpaajusimavoq "Arctic Imagination" aammalu nunatsinni aviiseeqqanik katersiniarsimaneq. Aaqjissuussinerit annertuut marluk suleriaatsinik assigiinngitsunik suliassaasut aammalu assigiinngitsunik periarfissiisut. "Arctic Imagination" qarasaasiakkut (digitalikkut)suliassarterujussuaq akerlianilli aviiseeqqat naqitat radiolu aqqutigalugit pissarsiarineqartut.

2017-imi atornianit atukkat ikileriaqqippat annertunngitsumilli. Atukkanut kisitsisitigut takussutissat eqqumiippat tassami malugisimanngilarput ukiut siuliinut naleqqiullugu Groenlandica annikinnerusumik atorneqartoq. Nuannissagaluqaaq kisitsisinngorlugu takusinnaasuugaanni atuinarluni toorsinerit qasiusimaneri malillugit kisitsisinngortitsisinnaasuugaanni – qanoq akulikitsigisumik atuisut atuakkanik ujaasivissamut isertarsimappat. Immaqaluunniit assersuutigalugu utertitsisuusaaraanni atuakkat qanoq amerlatigisut atuagaateqarfimmiit anninnagit atorneqartarsimanersut takuniarlugit.

Sulisoqarnermut tunngasut aammalu piginnaaneqarnerulernermik kinguneqartumik pikkorissartarnerit Groenlandicami ingerlanneqartartut Nunatta Atuagaateqarfiata ukiumoortumik nalunaarutaani takuneqarsinnaapput.



Ammasarfii

Ilimmarfik 2017-imi akunnerni 1278-ini ammasar-simavoq agguaqatigiisillugu sap.ak akunnerni 24,6-ini. Tassa 2016-imut naleqqiullugu sap.ak ammasarnej akunnermik ataatsimik sivikinnerul-luni (25,8 sap.ak 2016-imi). Tamanna pissuteqar-poq 2017-imi sivisunerusumik aasaanerani am-masarfiit atuussimammata (ukiuuneranut naleq-qiullugu sivikinnerusumik ammaffeqartarluni) aammalu angalasarnerit pikkorissartarnerillu

2016-imut naleqqiullugit amerlanerusimallutik si-vikinnerusumik ammasariaqarsimanernik kingu-neqartut.

Ilimmarfiup Atuagaateqarfiata ammasarfii IIsima-tusarfiup Groenlandicallu akornanni agguataarne-qartarput. 75%-ii Groenlandicamit atorneqarlutik sinneruttut 25%-ii IIsimatusarfimmit.

Illup ingerlanneqarnera

Illumik ingerlatsineq aserfallatsaaliuinerlu Ilim-marfiup pingaarnertut isumagisaraa. Illumik ingerlatsineq matumani paasineqassaaq soorlu allanngortitsinerit imaluunniit allat inimi atorniar-tarfiusumi toqqorsiviusumiluunniit nuna inuulu pil-lugit katersugaateqarfimmi Groenlandicamit al-lanngortinneqartut.

2017-imi Groenlandicami tamakkunatigut an-ne-rusumik allanngortitsisoqarnikuunngilaq kisianni 2018-p ingerlanerani kissassuseq isugutannerlu toqqorsivimmi nakkutigineqartalissapput pingaar-tumik atuagaasiviit illup silammut iigaanut inissi-simasut eqqarsaatigalugit. Taamaaliortariaqar-pugut isugutsertoqannginnissaa oqummillu pin-ngortoqannginnissa pinaveersaarniarlugit.

Aningaasaliissutit, atukkiussat katersugaatillu

Groenlandica Nunatta Atuagaateqarfiata immikkoortortaraa Groenlandicamullu aningaasaliissutit Aningaasanut Inatsimmi Nunatta Atuagaateqarfianut aningaasaliissutinut ilanngunneqartarput.

Groenlandicami pigisat katinneri 2015-2017:

Ukioq	2015	2016	2017
Pigisat katinneri	93.922	96.408	99.428

2017-imi pigisat amerleriaataat 3020-upput. Amerleriaataasut nunatsinni saqqummersinne-qartunik tunniussisussaataitanermik pisussaaf-feqarneq aqqutigalugu tunniussaapput, kisianni aamma atorniarneqarsinnaasunik atuakkanik, atuagassianik pisartagaqarnermit aviisinilu allaa-tigisanit pisinnermit pisuupput.

2017-imi pigisanit 46-t kasiilerneqarput tassalu 2016-imut naleqqiullugit ikinnerullutik (149). Pigi-

sat kasiilerneqartut atuakkat atorneqarsinnaasu-ninngaanerput nungullarsimasut imaluunniit piffissami sivitsortumi tammaaneqarsimasut, tas-sa imaappoq atuagaasivinni nassaarineqarsin-naassagaluartut kisianni nanineqarsimanngitsut.

2017-imi aammaloortumik atukkiussat ukiunut siuliiunat sanilliullugit ikileriarput.

2017-imi Groenlandicamiit atorneqartut 2600-put

tassalu 395-inik 2016-imut sanilliullugit ikileriarlutik. Atorniakkanut ikileriarnermut tamatumunga peqqutaavoq pigisat amerlasuut massakkut internettikkut pissarsiarineqarsinnaalernikuumata. Ilimmarfiup atuagaateqarfia paasissutissanik ujarlerfittut atorneqarpoq atortussallu qarasaasiameerit downloaderneqartarput naqitatullu anisinneqarsinnaasarlutik.

Taama atugassanik pissarsisinnaasarneq ilima-ginninneruvoq kisitsisinngorlugit naatsorsorneqarsinnaanngimmata qasseriarluni toorsinerit taamatut atuagaateqarfiup nittartagaatigut atorneqartarnersut. Aamma atorniartartut ilaqarput annillugit atorneqarsinnaanngitsunik atuisuusunik kiisalu assiliiginnartartunik atugassaq kopeerneqarnissaminut piukkunnangikkaangat.

Saniatigut aamma oqaatigineqassaaq Ilimmarfimi ilinniartuusut ilaqarmata paatsoorlutik isumaqartunik Groenlandicap pigisai atorneqarsinnaanngitsut. Taamaattoqarnera massakkut allanngortinniarlugu iliuuseqarfiginiarneqarpoq tassami Groenlandicap pigisai kikkunnilluunniit atorneqarsinnaammata.

Atorneqarsimasunik kisitsisitigut paasissutissanut ilaangillat atukkat atorneri sivitsorlugit ateqqineqartarnerneru. 2017-imi atukkiussani 1272-it sivitsorlugit ateqqinneqartarsimapput.

Ukiuni kingullerni pingasuni atukkiunneqarsimasut kisitsisinngorlugit:

Ukioq	2015	2016	2017
Atukkat	4489	2995	2600

Majimi 2017-imi Groenlandicap atortussat pigisai Netpunktumut (Danbib) uploaderneqarput taamaalluni danskit atuagaateqarfii periarfissaqalerlutik Groenlandicap pigisaanik ujaasinissaminut atorniarnissaminnullu. 2017-imi danskit atuagaateqarfiisa taama atorniarsinnaalerneq 48-riarlutik atorsimavaat. Imaappoq Groenlandicap pigisat atorneqarsinnaasut 48-it Danmarkimut allakkatigut imaluunniit qarasaasiakkut attaveqaatit / PDF atorlugit nassiussimavai.

2017-imi Groenlandica e-mail aqqutigalugu 34-nik apeqquteqaatinik nunatsinniit nunanit allaniillu pisimavoq.

2017-imi atuakkat atorneqarnerpaasimasut qulit ukuupput:

Atuakkap aqqa	Qassinik atorneqarpa
Grønlands botaniske undersøgelse	36
Tidsskriftet Grønland	10
Kalaallit Nunaanni atuarfimumut ilinniartitsinermullu tunngasut	9
Timersorneq = Sporten	8
Kajs Grønlandskrønike	8
I skyggen af kajakken	5
Kulturmøder i dansk kolonihistorie	5
Grønland i tal	4
Amatøreskimo	4
Zombiet Nunaat	4



Katersugaatinut atukkiussat ukiunut kingullernut pingasunut agguataarlugit:

Ukiuumut atukkat	2015	2016	2017
Katersaatit			
Nalinginnaasumik atugassat	3649	2406	2273
Nalinginnaasumik atugassat, allaatigisanin- ngaanniit	348	306	135
Nalinginnaasumik atugassat, atuagassiat	128	92	71
Nalinginnaasumik atugassat, toqqorsivimmiit	95	41	28
Nalinginnaasumik atugassat, naqitaaqqat	1	1	2
Nuna inuulu pillugit katersugaatit (qallunaa- tuut oqaatsillu allat)	159	86	78
Nuna inuulu pillugit katersugaatit (kalaalli- suut)	39	12	13
Nuna inuulu pillugit Katersugaatit (Atuagas- siat kalaallisut aviiseeqqallu)	70	0	0
Nuna inuulu pillugit Katersugaatit (dvd+cd)	-	1	0

Nuna inuulu pillugit katersugaatiniit atukkat kisitsi-
sita eqqorpiangitsumik atornerqartartut kisitsisi-
tigut erserput. Tassangaanniit atorniarneqartar-
tut ukiut ingerlanerini malunnartumik ikiliartorput
aamma taamaattussaavoq. Nuna inuulu pillugit ka-
tersugaataasuni pigisat atukkiussassaangillat ki-
sianni Ilimmarfiup Atuagaateqarfiani pingaartu-
mik atugassaapput. Annillugit atortoqartarneranut
peqqutaavoq tassani nuna inuulu pillugit katersu-
gaatit pigineqartussatut killiliussaasuniit amerla-
nerusunngorlugu atuagaq pigineqaraangat atuk-
kiunneqarsinnaasarmat. Taakku tunngaviatigut
nuna inuulu pillugit katersugaatinut ilaangitsutut
nalilerneqartarmata. Pigisat taamaattut atuakkat
atornerqartartut akornannut nuunneqartarput taa-
maalillutik nuna inuulu pillugit katersugaatinut

akuujunnaarsillugit. Taama "allangortiterineq"
piffissap ingerlanerani pisussaavoq.

Aviisini allaatigisanik katersaatit suli amerliartor-
put. Kalaallit Nunaat nunallu issittumiittut pillu-
git nunani allani spalterpassuit atorlugit ukiut ta-
maasa allaatiginnittoqartarpoq tamakkulu kater-
sorniarsaralugillu nalunaarsorniarnearput.

Allaatigisat taakkununga ilanngunneqartartut
ilaat nutaajusut ilaat pisoqaanerupput aamma
imarisamikku assigiinngitsorpassuarnik sam-
misaqarlutik. 31.12.2017-imi allaatigisat katersu-
gaatini pigineqartut 5554-upput (2016: 4680), Ove
Bakip allaatigisanik katersugaatai ullumi tassani
1377-ullutik (2016: 1093).



Sammasimasat

2017-imi Unnuk Kulturisiorfik GTO-mik imaqartin-neqarpoq (Grønlands Tekniske Organisation) aam-malu Kalaallit Nunaanni sanaartornermik, kisia-ni Nuuk pingaernerutillugu unnuk taanna sumiiffik ersersinniarlugu.

Allagartarsuarnik takussutissanik sanaartorneq Allagaateqarfik/Nationalarkivet suleqatigilluar-lugu suliarineqarpoq.

Suleqatigiinneq kinguneqarluartoq atortussatigut ilisimasatigullu avitseqatigiiffiusoq aammalu taa-maalilluni atitunerusumik allaasumillu isikkiviler-lugu saqqummersitsineq suliffeqarfiup kisimiilluni aqqissuussiniartarneraniit pissarsiffiunerusumik suliarineqartoq.

Saqqummersitaasut Nuutoqqamut/Nuup illoqar-fittut katersugaasivianut atukkiunneqarput.

Unnuk taanna ukiorpassuarni perngaammik atuakkanik tuniniaaffiunngilaq. Taamaaliortoqaq-qissanngilaq isertut amerlavallaat Groenlandicap atuakkanik tuniniaanerani apersuipput aamma sapinggisatsinnik angiluttortoqannginnissaa angu-niartariaqarparput. Taamaattoq "Nipaatumik akitsorterussineq" aamma tuniniaanertulli alutori-neqartigisoq ingerlanneqarpoq.



2016-ip upernarneraniilli Pipaluk Løgstrup plaka-
tinik saqqummersitsinissaq pillugu suleqatigine-
qalerpoq. Sisimiuni Taseralimmi saqqummersin-
neqartussanik. Januarimi 2017-imi plakatit immik-
kut qinikkat Kulturikkut Illorsuarimi saqqummersin-
neqarput taallugit "Plakâtit". Saqqummersit-
sinermut atatillugu "artist talk"-imik taallugu
Charlotte Andersenip Groenlandicap kulturikkut
kingornussassanik suliaqarnera oqalugiaatigaa.
Anu Una nr.2, 2017 saqqummersitsinermi plakatit
oqaluttuarisaanermik takussutissaasut pillugit al-
laatigisaqarpoq.



2017-imi annertuumik peqataaffeqarneq pivoq
"Arctic Imagination" peqataaffigineqarmat. Atua-
gaateqarfiit allat sisamat peqatigalugit suliniut
(Det Kongelige Bibliotek København, New York
Public Library, Nasjonalbiblioteket i Oslo aamma
Stadsbiblioteket i Stockholm). Atugaateqarfiit su-
liniutaat Issittoq Qalasarsuarlu qitiutillugit, ukiut
100-it ingerlanerini pallinneqarsinnaanngitsutut
nalunartorpassualittut takorloorneqartaraluartut
massakkumut kikkunhilluunniit angallavigineqar-
sinnaasunnorsimasut ersersinniarneqarpoq.

Atugaateqarfiit tamarmik immikkut katersugaati-
minni toqqortaateminnik web-ikkut saqqummersin-
neqarsinnaasunik oqaloqatigiinnertaqarsinnaa-
sut atorlugit ilanngussippot, oqalugiaatit, eqqumiit-
suliati, nipilersugassiat silap qanoq issusianut al-
lanngoriartorneranillu ukkatarinnittunik imaqtartut
atorlugit.

Arctic Imaginationimut Nunatta Atugaateqarfia
Groenlandicalu makkuninnga ilanngussippot:

Web aqqutigalugu saqqummersitsinerit

- Samuel Kleinschmidt ip angalanermi utullor-
siutaanik nalunaarsuutitalinnik, uuttortaaner-
nit allattukkanik, nunallu ilusiinik uuttortakka-
nik, kiassusermik/nillissusermik uuttortakkanik
arsarnernillu digitaliseeriineq.
- Kalaallit oqaluttuatoqaat "Aqissiaq" aamma
Aalup Kangermiup qisummut kigartugai
- "Hans Hedtoft" –ip umiarnera nunatta oqalut-
tuarisaaneranut nutaanerumut ilaatillugu

Oqalugiarnert takutitsinerit:

- Pavia Nielsenip oqalugiaatigaa silaannaap al-
lanngoriartornerata aalisartunut piniartunullu
kinguneri
- Lars Jeremiassen DMI suleqatigalugu uuttor-
taanerit tassanilu teknikkikkut atortuutit.
Oqalugiarneq livestreamer neqarpoq massak-
kullu suli youtubekkut takuneqarsinnaavoq:
<http://youtube.com/watch?v=ifzjcVM9FaE>
- Filmi piviusulersaarut "Kuussuit qerisut sinaan-
ni" Isak Kleistimit ilanngullugu silaannaap al-
lanngoriartornera, sermersuaq, sermit iigartar-
tut tamakkulu uumassuseqarnermut sunniu-
taat.
- Nipilersugassiatut Varna Marianne Nielsen
Apaloomit. Nipilersugassiat Nunatta Atugaate-
qarfia/Groenlandicap sanatitarai tassungalu
atatillugu piumasaavoq nipilersugassiat silaan-
naap allanngoriartornera imarissagaat/aallavi-
gissagaat. Nipilersugassiat Nuuk Nordisk Mu-
sikfestivaleqarnerani oktoberimi tusarteqqaar-
neqarput.

Aqqissuussineq live streamer neqarpoq Facebo-
kikkut.

Nipilersukkat uani tusarnaarneqarsinnaapput:
<http://soundcloud.com/user-471474867-853628946>

Pavia Nielsenip Lars Jeremiassenillu oqalugiarn-
eri filmilari neqarput kissaatigineqartorlu tassaavoq
allanut atatillugit atorneqarsinnaanissaat.

Det Kongelige Bibliotekip sulissutigaa "Arctic Imagination"-ip atuakkiarineqarnissaa.

Tamakku saniatigut Groenlandica katersugaatiminit assigiinngitsunik saqqummersitaqartarpoq. Saqqummersitat aqqissuussisarnernut allanut ilanngutiinnangajattarput, inuiaqatigiinni pisunik

ersersitsisunik imaqartarlutik, oqaluttuarisaa-nermut attuumassuteqartunik pisut imaluunniit saqqummersitassanik eqqarsarnermi nalaatsornerinnangajammik isumassarsiarineqartunik sammisaqartarlutik.



Nutaanik pissusilersornerit aamma suliniutit

2017 nutaanik misilittagaqarfiulerpoq suliffiup iluani aaqqissuussaaneq akimorlugu suleqatigiissinnaanernik suliffeqarfiup aaqqissuussaanerata allangortinneqarnerata kingorna.

Suliffeqarfittut suleqatigiikkuuttaarluta aaqqiissaluta qinersimagatsigu allatut suleriaaseqartariaqalerpugut, aammalu suliarput ataatsimut isigalugu allatut eqqarsartariaqalerpugut. Suleqatigiit aatsaat iluatsissapput ataatsimoortut eqqarsartoqarpat, piginnittoqarpat aammalu ataqatigiittoqarpat. Tamanna ilaatigut isumaqarpoq suliffeqarfik ilaannikkut immikkut susassaqarfigilluanngisaraluaminik suliaqartariaqartassasoq, ilisimasaminik tunioraasinnaalluni aammalu ujartuisinnaalluni. Ilatsinnut taamaattussaannartut ippoq allanulli ajornakusoortorujussuusinnaalluni.

2017 suleqatigiiaani sunik atuuffissaqarnernik misileraaffiuvoq aammalu ilaatigut sammisat Groenlandicami tamakkununga atatillugit makkuusimapput.:

- Qanoq nassuiassavarput suna suleqatigiisuniit suleqatigiinnut allanut ingerlateqqinneqassanersoq?
- Qanoq ililluta Groenlandicap allallu suleqatigiit akornanni suliasat oqimaaqatigiissillugit inisissavavut?
- Qanoq ililluni suliffeqarfik akimorlugu ataqatigiisitsisoqassava – qanoq ililluta atuagaateqarfiit assigiinngitsut marluk ataatsimoortissinnaavavut?

Suli allaffissornikkut suliassanik nalimmassaasoqarpoq aammalu illup iluani attaveqatigiinnikkut kisianni suleqatigiit inissikkiartuaarput aammalu akimuisumik suleqatigiinneq inerisarneqarpoq.

Groenlandicap ukiuni arlalinngortuni ilisimasanik avitseqatigiissinnaaneq ingerlanniarsimavaa taamaammat unamminartuunngilaq tamanna. Kisianni suleqatinut nutaanut misilliutaasinnaalluarpoq. Akerlianilli suleqatigiinnut ajornakusoor-tarsimavoq Groenlandiap susassaqarfiisa suleqatigiillu allat susassaqarfiisa oqimaaqatigiissiniarnissaat, tamannalu kinguneqarsimavoq Groenlandicami suliasat illikartitertariaqartarnerinik. Taama misilittagaqarneq ilinniarfigaarput aamma qanoq tulluarnerusumik qaaffasissuseqassanersoq sulissutigaarput.

Atuagaateqarfiit marluiit ataqatigiissinniarneri kisaatigineqartutut iluatsivinngikkaluarput. Unamminartuusimavoq isumalluutitta/sulisorisatta al-latorluinnaq atorneqarnissaat ullumikkumut atoneqarnerinut naleqqiullugit. Taamaakkaluartoq ukiut marluk matuma siornanut naleqqiullugu pitsaanerulersimavoq. Groenlandicap tungaanniit allatut isiginnilluta aammalu qanoq pinissaanik soorlu qaammatikkaartumik sammisaqarluni saqqummersitsinertigut, Facebookikkut allagar-siilluni il.il.



PR

2017-imi aatsaat taama Groenlandica isiginnaarutitigut/kanalitigut amerlatigisunik saqqummerpoq. Livestreamertoqartarsimavoq Facebook aqqutigalugu, youtubekkut toqqaannartumik Ilisimatu-

sarfik suleqatigalugu saqqummiussisoqarsimavoq aammalu Groenlandicap Facebookia aallartilluavissimavoq. Radiukkut tusagassiuutitigullu naqitatigut saqqummertarsimavoq.

Allat

2015-imi Groenlandicap suliasarujussuaq nunatsinni aviiseeqqanik aqqissuussineq aallarnisalerpaa. Aviiseeqqat Groenlandicamiittut immikkoortiterneqarput aammalu katersorneqarlutik ataatsimoortillugit isigisinnaajumallugit. Suliariniarnerat sivisusimavoq piffisami suliariniarneri arlaleriarluni nalimmassartuartariaqarsimallutik. Annertuumik pilersaarutaasimavoq sapinngisamik tamakkerlugit ukiukkaarlugit katersornartussaa-galuarlugit. 2017-imi sumiiffinni aviiseeqqanik nuna tamakkerlugu ujaasisoqarpoq aammalu amigaataasut aviisit ilaat Groenlandicamut nassiunneqarput taamaakkaluortoq sulikatersugaatit amigaateqarput.

2017-mi Mâliâraq Vebæk 100-liisussaagaluarpoq. Tamannalu Nunatta Atuagaateqarfiani/Groenlandicami nalliussineqarpoq. Atuakkani killiffilersuutinik sanaartortoqarpoq Groenlandicamilu allaatigisat inummit tassannga aammalu taanna pilugu ujaarineqarput, ilaatigut siunissami pigineqartut naniuminarnerulernissaat siunertarlugu.

Saniatigut Mâliâraq Vebækkip suliaasa ujaasiffissani inissisimaffii pisoqaanerusut naqqissorneqarlutik biblioteksbasemut nutserneqarput taamaallutik ujaarineri pisariinnerulerlutik. Tamanna isumaqarpoq massakut oqaatsit ujarliutit aammalu atuakkat imarisaanik nalunaarsukkat takussaanerulersut.

2017-imi ukiup affaani atuagaateqarfiup ujaasisummik nutaamik peqalernissaanik eqqarsaatersortoqalerpoq. Qarasaasiakkut salinikkut misilinniarneqarpoq ujakkanut aqqissuussamik isersinnaalernissaq, tassa kukkusumik nalunaarsuisoqarsimatillugu, tamakku aqqinniarlugit aammalu taamaalilluni pineqartoq ujassagaanni ataasiinnaq aqqutissanngorluni. Siunertaasoq tassa bibliotekssystemip suna tamaat tikillugu salinnissaa taava systemimut nutaassamut kukkusunik putunartunik ikioraanginnissaaq anguniarlugu.

Atortussarpassuarnik naleqquttunik assersuutigalugu Vimeo-mi Youtube-milu tunniussisussaanermut ilaatinneqanngitsunik, atortussat kalaallit kulturikkut kingornutassaataannut ilaasussatut taaneqarsinnaasunik peqarpoq.

Groenlandica USB-mik pisivoq pigineqartut taamaattut taakkunaniittut aasinnaalerumallugit. Aammalu teknikkikkut suliasap aqqiiffiginissaa sulissutigaa.

Naja Mikkelsen GEUs-imeersoq aammaarluni 2017-mi atortussanik Danmarkimi suliffeqarfanni atuagaateqarfinnilu matuneqartuneersunik imaluunniit ataatsimut katinneqartuni Groenlandicamut tulluurtunik atortussanik katersisimavoq.

Tunissutaasut tamakku Groenlandicap katersugaatai amigaataasunik ilaatigut pissarsitittarpaat kiisalu sinerissamut atuagaateqarfinnut nunatsinniittunut amigaateqartunut neqeroorutissanut ilannguttarput.



Sinerissami atuakkanik atorniartarfiit



Qasigiannguit

Ammasarfiit sulisullu

Ataasinngorneq nal. 14-16, marlunngorneq pingasunngornerlu nal. 19-21. Atuarfiusoq nutaaq allartikkaangat skemat pisartakkavut apeqqutaallutik ukiumiit ukiumut ammasarfiit nikisilaartarpavut.

Atuagaatilerisut marluuvugut (skolebibliotek), unukkut ammatitsisartoq ataaseq sulisoralutigu, ullukoortoq uanga (AVD) ammatitsiffigisarpara.

Allannguut

Aasami atuannigiffik nalleraalu uge 24-imi pedelit iikkami reolit piirpaat, uge 25-mi iigaq qaqortumik qalipatsippoq, sukarsuillu qorsuk qaamasumik qalipanneqarlutik (ukiorpassuit iigaq orange taartuunikuugami sukarsuillu aappaluttoq taartuunikuupput).

Sammissaqartitsinerit

21/01-2017 Kulturnat/dag peqataaffigivarput, atuakkat aalajangersimasut saqqumilaartippavut aammalu "RoboBraille.org" mappersagaaraa "Atuaffat Martha"-lu paasissutissiilaarpugut. Aviisitoqqat illoqarfitta aviisiginikuusaa illoqarfiillu qanittut aviisikui aamma saqqumilaartittuaannarpagut aliannaartoqartuaannarporlu.



20.april 2017 Mâliârak 'Vebæk 100-liineranut atattillugu atuakkiaanik saqqumilaartitsineq.

Efterårsferie nalaani matoqqanitsinni ammaffissap ilaani 17/10-2017 "Unnuk aliortualersaarfik" pivog, soqutigineqaqaaq inuppaaluillu aggiapput.

13/11-2017 Nunat Avannarliit atuagaateqarfiit atuffassinersaarsuanni peqataaqqippugut, tamatumuunakkut qulequtarineqartoq "Avannaani Qeqertat" aallaavigalugu atuartut tamavimmik piiasut silarsualugit ulloq taanna sammisaqartineqarput. Atuartut anginerit klasse kammaaqqaminnut atuffassipput, aamma Atuakkanik Atorniartarfimmi minnerit områdiani alutornavissumik piiasup umiarsuaattut isikkoqartittuusaarlugu pikivugut, atuartullu annerit minnernut kammaminnut atuffassisoqarpoq.



Sisimiut

Ammasarfiit

Ammasarfiit imaapput: Ukiuunerani ataasinngorneq & sisamanngorneq nal. 10-12 & 13-18 marlungorneq & pingasunngorneq nal. 10-17 aamma arfininngorneq nal. 11-13 uanngaaniit 1. oktobari-miit - 31. marsip tungaanut

Aasaanerani: ataasinngorneq & sisamanngorneq nal. 10-12 & 13-18

Marlungorneq & pingasunngorneq nal. 10-16.

Sulisut

Sulisuupput atuagaatilerisoq, nalunaaquttap akunnermusiallit marluk.

Atukkiussat, atukkiussassaait aningaasaliissutillu

Atuakkat 7.000 ukiup ingerlanerani atorniarneqarsimapput. Atuakkat atukkiussassat 19.775-iullutik. Inuillu 14.352 isertorisimallutigit. 2.509-it computerikkut internetimik atuisimapput, wifimik 3.923-illutik. Aningaasaliissutit kr. 1.229 mio-nit.

Atuakkanik assigisaanillu pisiniartarneq

Qaammammut ataasiarlunga materialevurderinget nyhedslistillu misissoriarlugit atuakkanik assigisaanillu inniminniisarpunga. Atuarfiit atuagaatilerisui inniminniinermi naapiqatigisaralarakkat kisianni taamaaliussaarpugut. Saaffiginninnissaminnut tikilluaqqusaajuaannarput.

Sammissaqartitsineq

Unnuk kulturisiorfik nalliussineqarmat ulloq 21. januar 2017 Atuakkanik Atorniartarfik ammavog nal. 17-21. Tuniniaavugut atuakkat kasiikkat atuagassiallu 2015-nernisat, kaffillerlutalu. Unnuk taanna inuit 265-it isertorivagut.

Nunani avannarlerni atuagaateqarfinni sapaatip-akunneqarmat 13. novembarimiit 19. novembarimut malunnartipparput imatut meeqqat aviisikunik paaasup nasaliorinnaallutik naammassigaa-ngamikku mamartukujunnguanik pissarsinnaallutik. Sapaatip-akunna naallugu kaffillerpugut.

Qaammammut ataasiarluta kaffillertarpugut.

Qarasaasiaqarneq

Atorniartitsinermi BiblioMatik systemi atorparput. Atuarfiit atuakkanik atorniartarfii serveritsinnut atapput lanlink aqqutigalugu. Kangerlussuup atuakkanik atorniartarfia internettikoorlugu serveritsinnut aamma atavog. Atuisunut qarasaasiat atorneqarsinnaasut marluupput, taakkua saniatigut wifi-ertoqarsinnaalluni.

Dorthe Olsen

Atuakkanik Atorniartarfimmi aqutsisoq



Qaqortoq

Atuagaatilerisoq sulinngiffeqalerpoq ulloq 1. August 2017 aallernerfiagalugu ukioq ataaseq, tulersorteq Deltidsbibliotekar taartaagallartut atorfinitsinneqarpoq.

Igalaat silataat iluilu qalipanneqarput.

Septemberimi sulinermik misiliisussaqaq sulilerpoq ullup affaa taamaalilluni sulisut marlungorlutik, -suliassarissallugit ulluinnarni suliassat soorlu ilioraanerit pujuiaarnerit allallu.

Ilinniarnertuunngorniarfimmi atuortoq ikiorterput suleqatigalugu atuakkat tamaasa ataasiakkaarlugit misissorneqarput, iluarsaaneqarput atunngitsut piarlugit (kasserer) taamaalilluni atuakkat pisoqqat qangali uninngasut atorneqarneq ajortut peerneqarlutik, ataani qulaani, meeqqallu atorniartarfianni.

Ilisiviit allangortigaanngikaluarlugit, atuakkat inisissimaneri allangortiterlugit, inissaqarnerusutut isukkoqalersillugit.

Ukiaq Septemperi naalersoq Nunatta Atagaateqarfianut pikkorissarneq ingerlanneqarpoq pissarsiffiusumik.

Ukiap taarsisalernera iluatsissimanerlugu tillinniartoqarpoq igalaaq kimmut sammisoq aserorlugu isersimalluni, qujartumik annerusumik ajoqqusiisimannigilaq, taamaallaat aningaasiveerannguaq imaqaanngingajattoq tigusiavaa.

Taassumalu kingunerisaanik assiliisutit ikkussuuneqarput.

Ukiut siuliini atuakkanik Tasersuup aturfiani toqqorsiveqarsimagaluarpugut, aturfuup allanngor-titsinneratigut inissaarutinneqartunik, qulaani allaffimmi ilaatigut karsimiittut ilaalu ilisivimmiittut iluarsaallugit aallartinneqarput, atunngitsut igillugit (Kassere) inissaqarnerulersinniarlugu.

Decemberimilu sulilersup qaliani allaffik (Depot) suliarilerpaa, siunissami naammassippat allaffittut aammalu atuakkanik toqqorsivittut atornissaa siunertarlugu, taamaalilluni ataani atorniartitsinnerinnaq pilissagaluarmat.

Ukiorpasuaanngulersuni asaasutut sulisoq ajoraluartumik niuni napigamiuk suliunnaarpoq 79-nik ukioqarluni.

Ukiariaanut atuakkanik pisivallaarsimannigilugit pisarineqareersimasut naamagigallarlugit ukiumi nutaami nutaanik, inissaqartinnerullugit pisinis-saq naatsorsuutigalugu.

Nunaqarfinni Eqalugaarsuit kisimik atorniartitsisoqalerput.

Ukiariaanut maani susoqarpallaarsimannigilaq iluarsaasineq aallunnerusimagatsigu, tamakku naammasseriarpata ukiumi nutaami piffisaqarne-rulernissatsinnut pilersaaruteqalereerpugut.



Kalaallit Nunaanni innuttaasunut atorniartarfiit: Kisitsisit paasissutissat 2017

Atuagaateqarfik	Agguqaatigisillugu sapaatip-akunneranut ammasarfiit	Inuisa amerlassusiat	Aningaasaliussat kr.	Atukkiussassat	Atukkiussat kal. (imalt. ataatsimut kal./qall.)	Atukkiussassar-siutissat kr.	Missigersuutiniit atukkiussassarsiu-tissat %-ia	Atukkiussat illoqarfiup inuinut agguarlugit	Sutlisut
NA	45								19
Groenlandica		0	-						
Qeqertarsuaq	5	0	88.000	10.153	3844	47.000	53,41%	0	3
Uummannaq	2	0	-	25.169	1797	-			3
Niaqornat		0	4.000	1.803					1
Nuugaatsiaq	2	0		1.122	46				1
Ilulissat	17,5	0	499.000	26.436	3.494	97.000	19,44%		4
Qasigiannuit	6	0	81.000	12.162	845	50.000	61,73%		2
Aasiaat	27	0	72.000	0	4.682	72.000	100,00%		2
Akunnaaq	27	0	11.000	2.152	288	6.000	54,55%		2
Kitsissuarsuit	5,5	0	13.000	2.410	400	6.000	46,15%		1
Kangaatsiaq		0						-	
Sisimiut	15,5	0	1.229.000	19.775	7.000	241.000	19,61%		3
Sarfanguaq		0		1.057	11				1
Itilleq		0		2.600	51				1
Kangerlussuaq		0		6.180	873				1
Minngortuunnguup		0		16.369	34				1
Nalunnguuarfiup		0		30.905	770				1
Tasiilaq	7,5	0	223.000	8.138	1451	30000	13,45%		7
Kuummiut	3	0		1.841	1741				2
Kulusuk	3	0		2.539	2450				2
Sermiligaaq	2	0		2.552	28				1
Tiniteqilaaq	2	0		2.969	204				1
Isortoq	2	0		3.213	109				1
Katillugit	172	0	2.220.000	267.473	30.118	549.000	24,73%		60

Inuisa amerlassusiat:

GS-imiit 2017

- = Paasissutissiissutigineqanngilaq

** = Nunaqarfiit ilanngullugit

